

Heiq Bouxcuengh《Buhbwnroeg》Youq Yizcouh Yienj

壮族歌舞剧《百鸟衣》在宜州上演

10 nyied 18 hauh, ciengz heiq hung Bouxcuengh 《Buhbwnroeg》youq Yizcouh Si Gveigiyen yienj, hawj Gvangjsih Gaiq Daihhaj Ciet Liuz Sanhcej Vwnzva Lijyouz dem gyaeu dem hoengh.

Heiqcuengh 《Buhbwnroeg》 dwg aeu aen gojgaefangz cienzgangj Bouxcuengh haenx gajbien baenz. Gojgaeq gangj le bouxcoz Bouxcuengh Gujgaj caeuq Yihlij comz rengz bak duz roeg, dwkhingz bouxguhyak, sawj ndawbiengz dauqfuk raemx saw bya loeg. Doenggvaq danqhaenh gij cingsaenz maenh' ak、mbouj lau vutmingh、haengj okrengz neix, biujiyienh Bouxcuengh gouzra、sinjmeij yisiz caeuq gij gyaciz gvanhnen cungzgauh haenx.

Yizcouh dwg mbanjranz boux canghfwen Liuz Sanhcej, Bouxcuengh vwnzva lai cungj lai yiengh haenx youq gizde ndaej vatgud、swnjcienz、baujhoh caeuq fazcanj gig ndei. Aen heiq neix dawz yendai riuzhengz yinhyoz hingzsi caeuq ciuhgeq yinhyoz yenzsu Bouxcuengj giethab hwnjdaeu, dawz gij gyaez younemnem haenx caeuq gij gyaez minzcuz yienj ndaej caenlili, ngaungoeg sim vunz, sawj vunz lai gamjsouh daengz conzdungj minzcuz vwnzva caeuq yendai yisuz yungzhab youq itheij, biujdap le gij ndatcingz caeuq saenqsim lwgminz Bouxcuengh gamj gouzra swngghoz ndei、gensez mbanjranz gyaeundeide haenx.

(Bwz Lu Maj Ging)



Lungzswng: Dungcuz Beix-nuengx Nyaengq Raed Haeux

龙胜：侗族群众剪禾忙

Haeuj seizcou daeu, Lungzswng Gak Cuz Swciyen haeuxcid baenzcug lo, dangdieg ginzcong swngz dienheiq ndei nyaengq sou haeuxcid. Bineix, aen yienh neix sonyinx ginzcong laebbaenz ndaem haeuxcidnding hozcozse, yiemzgek ciuq iugouz gveihfan ndaem 7000 lai moux haeuxcidnding, saedyienh le ndaem haeuxcidnding canjyezva、binjbaizva、dinghdanva, seizneix, haeuxcidnding gig ndaej daengz gyoengq boux seng' eiq diegrog maij-gyaez caeuq yawjndeide. Ndaudoz dwg mehmwk Dungcuz dak haeuxcidning.

(Veiz Gizyangz Yangz Cunhcungh Houz Fazganh)



▲ Beixnuengx Yauzcuz boq loxlez gyauqmax hoh fungsou.



▲ Beixnuengx Yauzcuz angqvauvau gyauqmax hoh fungsou.



▲ Heiqcuengh 《Buhbwnroeg》 yienj ndaej ndei yawj raixcaix.



▲ Heiqcuengh 《Buhbwnroeg》 ngaeu sim dangqmaz.

Liujcwngz: Denyingj Roengzmbanj Senh-conz Seveicujyi Hwzsinh Gyacizgvanh

柳城：电影下乡宣传社会主义核心价值观

Daj 10 nyied 16 hauh hwnj, Liujcwngz Yen youq daengx yienh 14 aen yanghcin、Vazgyauz Ginghei Gvanlijigih cingqsik haidoengh “beksingq senhgyangj caeuq denyingj roengzmbanj caemhguh” hozdung, senhconz、gvangjden、vwnzdij daengj bumwnz doenggvaq guh soengq denyingj roengzmbanj

hozdung, hawj gyoengq ginzcong senhconz seveicujyi hwzsinh gyacizgvanh, ndaej fungfouq ginzcong lajmbanj vwnzva swngghoz, youh ndaej gyangzva gyoengqde doiq seveicujyi hwzsinh gyacizgvanh cingsaenz sizciz roxnyinh nem nyinhdoengz.

(Dwng Gwzyiz/邓克轶)



▲ Gyoengq ginzcong Fungsanh Cin Mbanj-dangzcin youq gwnz gvangjcanz yawj denyingj.



▲ Boux senhconz-yenz hawj ginzcong gangj mizgven vwnzminz lijyiz neiyungz.

Cauhbingz: “Gyauqmax” Hoh Fungsou

昭平：“调马”庆丰收

10 nyied 21 hauh, youq Cauhbingz Yen Senhveiz Yauzcuz Yangh Damaj Cunh Mbanjmaxvi, gyoengq Yauzcuz beixnuengx diuq foux “gyauqmax” hoh fungsou.

“Gyauqmax” dwg cungj foux ndawbiengz Yauzcuz ndeu, riuzcienz youq Cauhbingz Yen Senhveiz Yauzcuz Yangh, gaenq miz 300 lai bi nanz. Moix bi daengz ciet hoh fungsou seiz, gyoengq beixnuengx Yauzcuz couh dawz yienghsienq duzmax、geizlaenz、duzfungh daengj doenghduz, roq gyong roq laz, angqfaeng diuq foux, gouz binaj rumz swnh fwn cuk、haeuxliengz fungsou.

(Liuz Feih)